

Kalaallit Nunaanni sulisilluni ajoqusersinnaanermut isumannaarineq pillugu inatsit malillugu allaffissornermi 1. januar 2025-miit akigititat pillugit nalunaarut

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 64, imm. 4, aamma § 74, imm. 2 malillugit, tak. inatsimmut nalunaarut nr. 75, 16. januar 2017-imeersoq, Arbejdsmarkedets Erhvervssikringip siulersuisa innersuussuteqarnerisigut aamma social- aamma boligsministeri isumaqatigiinniaqatigereerlugu aalajangersarneqarpoq:

Arbejdsmarkedets Erhvervssikringip aamma Ankestyrelsenip allaffissornermut akigititai Kalaallit Nunaanni sulisilluni ajoqusersinnaanermut isumannaarineq pillugu inatsimmi ilaatinneqartut

§ 1. Kalaallit Nunaanni sulisilluni ajoqusersinnaanermut isumannaarineq pillugu inatsimmi aamma siusinnerusukkut peqqussutini ilaatinneqartunut Arbejdsmarkedets Erhvervssikringip allaffissornermut suliaanut akiliutit, aamma sillimmasiisarfinnut imaluunniit Arbejdsmarkedets Erhvervssikringimut tunngassuteqartut, tak. inatsimmi § 64, tulluuttut malippaat:

- 1) Ajoqusernertut: 11.731 kr.-it
- 2) Inuussutissarsiornermi nappaatinut: 5830 kr.-it

Imm. 2. Imm. 1-imi taaneqartut akigititat taaneqartut sulianut nalunaarutigineqartunut nutaanut aamma misissuinertut aamma suliareqqitassanngortitsinertut akiliutigineqartarput.

§ 2. Ankestyrelsenip allaffissornikkut suliaanut 1. januar 2025 imaluunniit kingusinnerusukkut aallartitamut ataatsimut 10.700 kr.-nik akiliuteqartoqassaaq. Ankestyrelseni aalajangiisoqarneratigut suliamik immikkoortumik aallartitsissaaq.

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 74 aamma Kalaallit Nunaanni taarsiiviginninnissamut akisussaaneq pillugu inatsisip atuutilernissaa pillugu peqqussummi nr. 796, 1. oktober 1993-imeersumi § 10 malillugit oqaaseqaatinut akiliutit, tak. nalunaarut nr. 1078, 11. september 2015-imeersoq

§ 3. Inatsimmi § 74 malillugu oqaaseqaatinut akiliutit tulluuttut malippaat:

- 1) Sulisinnajunnaarneq pillugu oqaaseqaatinut: 25.122 kr.-it.
- 2) Oqaaseqaatit allat: 9.631 kr.-it

Imm. 2. Imm. 1, nr. 1-imi akiliutissatut taaneqartoq aamma immikkut ittumik oqaaseqaammut atorneqassaaq, piffissarititaasut sulianut taaneqartunut pisut uppersarsaataat utaqqiisaagallartumik naliliinissamut atorneqarsinnaaneranut tunngatillugu imaluunniit ajoqusersimasup siunissami inuus-

sutissarsiutigalugu sulisinnaaneranik inaarutaasumik naliliinermut tunngatillugu, apeqqutaatinnagu allanik oqaaseqaatinik piumasaqaateqartoqarnersoq.

Imm. 3. Aningaasat imm. 1 aamma 2 malillugit akilerneqassapput oqaaseqaateqarnissamut noqqaas-suteqartoqarneranut peqatigitillugu.

Atuutilersinneqarnera

§ 4. Nalunaarut 1. januar 2025 atuutilissaaq.

Imm. 2. Kalaallit Nunaanni sulisilluni ajoqusersinnaanermut isumannaarineq pillugu inatsit malillugu 7. januar 2024-imiit allaffissornermi akit pillugit nalunaarut nr. 2, 5. januar 2024-imeersoq atorunnaarsinneqarpoq.

Beskæftigelsesministeria, 12. december 2024

Ane Halsboe - Jørgensen

/ Lotte Manniche Groth-Andersen